

رسم المنحنيات

طبعاً ماراح يجيب لنا سؤال نرسم فيه أكيد لكن لو جاب لك سؤال فيه الجدول اللي نفرضه لرسم المنحنيات وطلب منا إيجاد القيم الداخلية فيه وعطاك خيارات ولنفرض مثل هذا الجدول :

مثال : ارسم منحنى الدالة $f(x) = 2x + 1$

الحل : لكي نرسم هذه الدالة نكون أولاً الجدول التالي لتسهيل عملية التمثيل

x	-2	-1	0	1	2
$y = f(x)$	-3	-1	1	3	5


القيم اللي بالجدول تحت طبعاً لازم تعوض قيمة X الموجودة في أول الجدول في المعادلة عشان تطلع لك القيم اللي تحت أنا أسهل عليك أتبع الخطوات في الآلة الحاسبة على الشكل التالي :

- اضغط **MODE** بعدين الرقم **7** اللي هي كلمة **Table**
- بعدين رقم يطلع لك بالشاشة كلمة $F(X)=$
- أكتب المعادلة اللي فوق $F(X)=2X+1$ وطريقة كتابتها كالتالي تابع من اليسار إلى اليمين حسب الأزرار انا حاط لك شكل الزر :

2 **ALPHA** **)** **+** **1**

- راح تطلع لك شكل المعادلة اللي فوق بعدها اضغط **=**
- بتطلع لك كلمة **Start** أضغط قيمة أكس الأولى اللي هي -2
- بعدها اضغط **=**
- ثم راح تطلع لك كلمة **End** أضغط قيمة أكس الأخير هي 2
- بعدها اضغط **=**
- ثم راح تطلع لك كلمة **Step** أضغط على الرقم 1

راح تكون النتيجة مثل الصورة بالشاشة طبعاً ننزل تحت بالسهم تطلع لك قيم الجدول اللي ماهي واضحة الحين



وكذا نقدر نوجد نقاط التحديد في كل معادلة

معادلة الدوال

لو جاب لك سؤال مثل هذا :

تمارين :

(1) إذا كانت $f(x) = 2x^3 + x - 1$ فأوجد :

$$f(0), f(-1), f(2)$$

فبكل سهولة تقدر تحلها أولا هو يبي حل المعادلة لو كانت (X) تساوي صفر أو تساوي 1- أو تساوي 2

كل اللي عليك تسويه كالتالي :

- اضغط **MODE** بعدين الرقم **7** اللي هي كلمة **Table**
- بعدين رقم يطلع لك بالشاشة كلمة **F(X)**
- أكتب المعادلة اللي فوق وطريقة كتابتها كالتالي تابع من اليسار إلى اليمين حسب الأزرار انا حاط لك شكل الزر :

2 **ALPHA** **)** **x[□]** **3** **+** **ALPHA** **)** **-** **1**

لاحظ المربع اللي صورته أكس وفيها مربع أسود طبعاً هذا زر الأس ولأنه الأس عندي 3 اخترته راح يطلع لي مربع صغير فوق الإكس اللي كتبتها قبل اكتب داخله الرقم 3 بعدها أضغط بالسهم على اليمين عشان المؤشر حق الكتابة ينزل لك تحت وتكمل كتابة المعادلة .

- راح تطلع لك شكل المعادلة اللي فوق بعدها أضغط **=**
- بتطلع لك كلمة **Start** أضغط قيمة أكس اللي بالناقص -1
- بعدها أضغط **=**
- ثم راح تطلع لك كلمة **End** أضغط قيمة أكس أكبر قيمة طالبها منك في السؤال اللي هي 2
- بعدها أضغط **=**
- ثم راح تطلع لك كلمة **Step** أضغط على الرقم 1
- ثم بعدها راح يطلع لك جدول فيه القيم طبعاً هو بيعرض لك من إذا كانت قيمة أكس -1 وحتى 2 فأنت بس خذ القيم المطلوبة منك في السؤال اللي هي الصفر، -1، 2،

طريقة حل الدالة الأسية

لو عطاك الدكتور سؤال زي المثال اللي تحت وطلب منك حل المعادلة الأسية :

مثال : حل المعادلة التالية :

$$3^x = 81$$

الحل : نحال 81

$$3^x = 3^4$$

وبما أن الدالة الأسية دالة واحد لواحد

$$\text{فإن : } x = 4$$

تمرين : حل المعادلة الأسية


$$2^x = 32$$

خلينا نحل المثال الأول وبترك لكم الثاني تجربون المثال الأول $3^x=81$ بيبي مني نجيب قيمة أكس طبعا معروف الطريقة تقسم 81 على 3 والنتاج على 3 وهكذا لين يطلع معك الناتج 1 وتعد كم مره قسمت عل ثلاث ويصير عدد المرات هو قيمة الأكس بالآلة كل اللي عليك تسوية تتبع الخطوات التالية في الآلة الحاسبة :

- اضغط **SHIFT** بعدين زر **MODE** بعدين الرقم **2** اللي هي كلمة **Lineo**
- ثم أكتب المعادلة ولاحظ أنه في المكان هذا ما راح يبين لك الأس يعني لو ضغطت **x²** راح يطلع لك الشكل مثل كذا x^2 عادي كمل ... يالله نسجل المعادلة بعد ما اخترنا الخطوة الأولى نكتب المعادلة بالضغط على الأزرار التالية :

3 **x²** **ALPHA** **)** **)** **ALPHA** **CALC** **8** **1**

- كذا تكون كتبت المعادلة عشان تعرف النتيجة أضغط **SHIFT** بعدين زر **CALC** بعدين اضغط **=** راح تظهر النتيجة تساوي 4 وهي قيمة أكس بالشكل التالي (تأكد أنه عامل تهيئة للآلة عشان ما تتطلع لك نتيجة غلط والتهينة موجود طريقتهأ أخر هذا المحتوى) :



نظام المعادلات من الدرجة الأولى في مجهولين


راح يجب لك معادلتين ويطلب منك أنك تحلها بطريقة التعويض أو بطريقة الحذف علما أن الطريقتين لو جاتك كلهم بنفس الطريقة اللي راح أشرحها لك الحين مثل السؤال التالي :

$$\begin{cases} 3x + 6y = 33 \\ 2x - 4y = -10 \end{cases}$$


حل النظام التالي باستخدام التعويض :

واتبع الخطوات التالية في الآلة الحاسبة :

- اضغط **MODE** بعدين الرقم **5** اللي هي كلمة **EQN**
- بعدين رقم يطلع لك بالشاشة أربع خيارات الأول معادلة من الدرجة الأولى في متغيرين **X** و **Y** والثانية في ثلاث متغيرات والثالثة معادلة من الدرجة الثانية .. وهكذا حنا يهمننا في السؤال قدامنا معادلة من الدرجة الأولى في متغيرين فنختار رقم **1**



- بعد اختيارك للرقم **1** راح تظهر لك الشاشة التالية :



المؤشر الأسود حاطة لك تحت حرف **a** في أول رقم طبعا هو يقصد بـ **a** القيمة الأولى في المعادلة اللي هي في قيمة أكس و **b** قيم الواي و **c** وهي القيمة اللي تجي بعد اليساوي .

الحين ندخل القيم بالتسلسل وأهم شي دقق في الإشارات لو كانت القيمة موجبة حط الرقم بس لو كانت سالبة اشارة السالب أولا ومن ثم الرقم خلينا نشوف كيف قدامنا الخط الأول جنب الرقم **1** للمعادلة الأولى وجنب الرقم **2** للمعادلة الثانية نمسك المعادلة الأولى

- نضغط الرقم **3** بعدين زر **=** راح ينتقل المؤشر إلى المربع الثاني تحت الـ **b** أضغط الرقم الثاني بالمعادلة **4**
- بعدين **=** وراح ينتقل المؤشر إلى المربع الثالث تحت الـ **c** حط الرقم الأخير **0** بعدين **=** الحين نضغط
- زر **=** مرة ثانية بتطلع لنا الأولى قيمة **(X)** واللي هي تساوي **3** أضغط كمان مره **=** بتظهر لك قيمة **(Y)** اللي هي **4** لو حاب تتأكد من نتيجتك عوض بالمعادلة بقيمة **X** وقيمة **Y** كالتالي :

$$3(3) + 6(4) = 33 \rightarrow 9 + 24 = 33$$

المسافة بين نقطتين

لو جاب لك سؤال وقالك :

تمرين : احسب المسافة بين النقطتين :

$$(-1, 5), (2, 3)$$

عشان تحل هذا السؤال لازم تكون حافظ قانون المسافة بين نقطتين اللي هو :

$$d = \sqrt{(x_2 - x_1)^2 + (y_2 - y_1)^2} : \text{تعطى المسافة بين نقطتين حسب القانون التالي}$$

الحين كل اللي عليك :

حدد X_1 و Y_1 وخلينا نقول حنا القوس الأول اللي هو (2 , 3)

حدد X_2 و Y_2 وخلينا نقول حنا القوس الأول اللي هو (-1 , 5)

ونعوض بالقانون عن طريق الآلة الحاسبة ونكتبها بالطريقة التالية :

- اضغط **MODE** بعدين الرقم **1** اللي هي كلمة **COMP**
- نضغط **$\sqrt{\quad}$** بتظهر لنا صورة الجذر بالآلة ومفتوح القوس فيها نكتب القيم اللي هي قيمة X_2 هي **5** وبعدين علامة -
- ثم قيمة X_1 اللي هي **3** ثم نضغط **)** عشان نسكر القوس ونضغط **x^2** حتى يحط لنا الأس 2 بعدها نضغط
- +** ثم نضغط **(** عشان نفتح قوس ثاني نضع فيها قيم Y وهي كالتالي Y_2 اللي هي **1** وبعدين
- علامة - ثم قيمة الـ Y_1 اللي هي **2** وبعدين نسكر القوس بالضغط على **)** ثم بالضغط على **x^2** عشان يظهر
- لنا الأس بعد كذا نضغط **=** وراح تطلع النتيجة اللي هي جذر 13

وكذا تكون أوجدت قيمة المسافة بين نقطتين .

لو جاب لك مثل التمرين التالي :

تمرين : بدون استخدام الحاسبة ، مستخدماً قوانين اللوغاريتمات احسب ما يلي :

$$\log_2(8 \times 16) = \quad (1)$$

$$\log_3\left(\frac{9}{81}\right) = \quad (2)$$

$$\log_a(32)^3 = \quad (3)$$

طبعا هو كاتب لك بدون استخدام الآلة لكن بالاختبار عادي المهم ..

جواب الأول : كل اللي عليك تسوين تتأكد أنه الآلة في وضع COMP بالطريقة التالي :

اضغط **MODE** بعدين الرقم **1** اللي هي كلمة COMP

الحين أضغط الزر **log.** المؤشر راح يكون بالمربع الصغير حط فيه رقم **2** بعدين اضغط سهم يمين عشان يحرك المؤشر إلى المربع الثاني وأكتب فيه :

8 **X** **1** **6**

ثم بعدين أضغط يساوي وراح يطلع لك النتاج اللي هو 7

جواب الثاني : مافيه مشكلة أبداً كل اللي عليك تسوين تتأكد أنه الآلة في وضع COMP بالطريقة الماضية :

الحين أضغط الزر **log.** المؤشر راح يكون بالمربع الصغير حط فيه رقم **3** بعدين اضغط سهم يمين عشان يحرك

المؤشر إلى المربع الثاني وأكتب فيه **8** عشان الكسر المؤشر راح يكون فوق نخط القيمة الأولى اللي هي **9** وبعدين

نحرك المؤشر إلى الأسفل ونخط القيمة **1** **8** وبعدين نضغط **=** وراح تطلع النتيجة 2-

بس هنا فيه ملاحظة مهمة جداً في السؤال طلب بدون استخدام الآلة وتكملة السؤال مستخدماً قوانين اللوغاريتمات هنا هو ما يبني الجواب النهائي هنا يبني تبسيط اللوغاريتم إلى أبسط صورة بناء على القاعدة اللي درستها نشوف مثلاً الفقرة الأولى حلها راح يكون بناء على قانون اللوغاريتم هو

$$\text{Log}_2(8 \times 16) = \log_2(8) + \log_2(16)$$

فيمكن يكون أحد الخيارات كذا وهذا صحيح أو يكون عدد اللي هو 7 وهو صحيح يعني لازم تفهم المطلوب منك بالسؤال .

النهايات 1

ممکن يجب لك سؤال يطلب من حل الدالة التالية مثلاً

تمرین : أوجد نهاية الدالة (ابحث سلوك الدالة عند $x=3$ من اليمين واليسار)

$$\lim_{x \rightarrow 3} \frac{x^2 - 9}{x - 3}$$

طبعاً لو عوضنا مباشرة في الدالة ببصير الناتج كذا :

$$F(x) = F(3) = \frac{3^2 - 9}{3 - 3} = \frac{9 - 9}{3 - 3} = \frac{0}{0}$$

عشان كذا حنا لازم ندرس سلوك الدالة لنعرف الجواب الصحيح ... الحين يمكنك تدرس سلوك الدالة مباشرة بالآلة الحاسبة والطريقة

• اضغط **MODE** بعدين الرقم **7** اللي هي كلمة **TABLE**

• نضغط  ثم نكتب القيمة الأولى اللي هي

ALPHA **)** **x²** **=** **9**

• نزل بالمؤشر تحت بالسهم عشان نكتب القيمة اللي بالمقام وهي

ALPHA **)** **=** **3**

ثم نضغط **=** راح يطلب منا القيمة التي راح يبدأ فيها دراسة الدالة حسب النهاية الرقم هو 3 أو قيمة اكس 3 فحنا راح ندرس


الدالة لما يكون الرقم أصغر من 3 وأكبر من 3 فخلينا نقول 3.005 بعدين 3.004 ويقترب لين ما يصير 3 والجهة الثانية 2.995 بعدين 2.996 ويقترب لين يصير 3 ونشوف الناتج فكيف نسجلها بالآلة هو راح يقولك

= Start حظ القيمة 2.995 وأضغط

= ثم End حظ القيمة 3.009 واضغط

= ثم راح يقولك Step اكتب له 0.001 وأضغط

راح يطلع لك جدول بالآلة يبين لك كل ما اقترب الرقم من 3 يصير 6 من جهة اليمين واليسار



X	F(X)
2.999	5.999
3	ERROR
3.001	6.001

وكذا نقول أن نهاية الدالة إذا كانت ($x=3$) تساوي 6

وحتى لو غير الدكتور الأرقام اتبع نفس الطريقة بس غير الأرقام حسب المعطيات

النهايات_2

مثال : احسب النهايات التالية :

$$\lim_{x \rightarrow 1} 5 \quad (\text{a})$$

$$\lim_{x \rightarrow 0} -3 \quad (\text{b})$$

$$\lim_{x \rightarrow -2} x \quad (\text{c})$$

$$\lim_{x \rightarrow 3} x \quad (\text{d})$$

طبعاً للي متابعين مع الدكتور هذي ما بيبي لها حاسبة لها قوانين ثابتة لكن للي مو عارف هذي القوانين وبيبي الحلول حقها ما عليه إلا يسوي كذا
ناخذ الأول مثلاً :
نهاية العدد 5 عندما تكون X تساوي 1 كل اللي عليك تسويه بالآلة

- اضغط **MODE** بعدين الرقم **7** اللي هي كلمة **TABLE**
- راح تظهر لك بالشاشة في الآلة $F(X)=$ أكتب رقم **5** بعدين اضغط **=** هو راح يقولك
Start حط القيمة اللي تحت النهاية اللي هي 1 وأضغط **=**
ثم **End** حط القيمة اللي تحت النهاية اللي هي 1 واضغط **=**
ثم راح يقولك **Step** اكتب له 1 وأضغط **=**
راح يطلع لك الناتج اللي هو **5**
- وكل البقية نفس الشيء حتى اللي قيمتها X حط اكس وبعدين عطيه القيمة اللي تحت النهاية في البداية والنهاية اما **Stop** دانما 1 وراح يطلع لك القيمة وانتبه للإشارات حق العدد عشان يطلع لك الناتج صح

النهايات_3

لنفرض جاك سؤال مثل

مثال : احسب نهاية الدالة :

$$\lim_{x \rightarrow 2} \sqrt[5]{3x^2 - 2x}$$

هنا لو حطيت الجذر راح تطلع لك الآلة نتيجة الجذر مباشرة وعشان تتفادى هذي المشكلة تدخل المعادلة بدون الجذر خلونا نحل السؤال اللي فوق بالطريقة نفسها :

- اضغط **MODE** بعدين الرقم **7** اللي هي كلمة **TABLE**
- راح تظهر لك بالشاشة في الآلة $F(X)=3X^2-2X$ أكتب المعادلة

$$\boxed{3} \boxed{\text{ALPHA}} \boxed{)} \boxed{x^2} \boxed{=} \boxed{2} \boxed{\text{ALPHA}} \boxed{(}$$

- بعدين أضغط **=** هو راح يقولك

Start حط القيمة اللي تحت النهاية اللي هي 2 وأضغط **=**

ثم **End** حط القيمة اللي تحت النهاية اللي هي 2 واضغط **=**

ثم راح يقولك **Step** اكتب له 1 وأضغط **=**

راح يطلع لك الناتج اللي هو **8** بس لاتنسى حنا ماحطينا الجذر وهو بيبي الجذر الخامس للناتج فراح يكون الناتج تحط الجذر الخامس اللي موجود بالسؤال وتحتته الجواب اللي طلع لك بالشكل التالي :

$$\sqrt[5]{8}$$

وهذه هي نهاية الدالة السابقة طبعا لو جربنا نشوف الجذر الخامس للعدد 8 بيطلع عندنا عدد وكسور لذلك بيتوقف الجواب عند الجذر الخامس للعدد 8 وخلص وكذا يكون خلصت حل المسألة . وهذي صورة من حل الدكتور

مثال : احسب نهاية الدالة

$$\lim_{x \rightarrow 2} \sqrt[5]{3x^2 - 2x}$$

الحل : نضيق بالتتابع السابقة فانه :

$$\lim_{x \rightarrow 2} \sqrt[5]{3x^2 - 2x} = \sqrt[5]{\lim_{x \rightarrow 2} (3x^2 - 2x)} = \sqrt[5]{8}$$

النهايات_4

لنفرض جاك سؤال مثل

$$\lim_{x \rightarrow 2} \log(3x^2 + 5) \quad \text{مثال : أوجد}$$

نفس طريقة الجذر اترك Log وحل النهاية أول كالتالي :

- اضغط **MODE** بعدين الرقم **7** التي هي كلمة **TABLE**
- راح تظهر لك بالشاشة في الآلة $F(X) = 3x^2 + 5$ أكتب المعادلة

$$\boxed{3} \quad \boxed{\text{ALPHA}} \quad \boxed{)} \quad \boxed{x^2} \quad \boxed{+} \quad \boxed{5}$$

- بعدين أضغط **=** هو راح يقولك

Start حط القيمة التي تحت النهاية التي هي 2 وأضغط **=**

ثم **End** حط القيمة التي تحت النهاية التي هي 2 واضغط **=**

ثم راح يقولك **Step** اكتب له 1 وأضغط **=**

راح يطلع لك الناتج الذي هو **17** هم بعد لا تنسى ما حطينا اللد **Log** فهي القاعدة تقول بما أن النهاية هي 17 فإن **Log** تساوي 17 وراح يكون الجواب كذا :

$$\log 17$$

وهذي نسخة من حل الدكتور بعد :

مثال : أوجد $\lim_{x \rightarrow 2} \log(3x^2 + 5)$

الحل =

بما أنه : $\lim_{x \rightarrow 2} (3x^2 + 5) = 17$

فإن : $\lim_{x \rightarrow 2} \log(3x^2 + 5) = \log 17$

النهايات_5

آخر شي بالنهايات عشان ما أطول عليكم وأنتم اكتشفوا البقية :

لو جاك السؤال هذا

تمرين : أوجد

$$\lim_{x \rightarrow 3} (e^{2x} - e^{x^2} + \log(x^2 + 5)) \quad (1)$$

كيف نحلها :

أولاً قيمة الـ e^{2x} نعوض قيمة أكس طبيعي فيها ما تحتاج آلة وهي كالتالي $e^{2(3)}$ يعني نظرب 2 في 3 بتصير 6

ثانياً قيمة الـ e^{x^2} نعوض قيمة أكس طبيعي فيها ما تحتاج آلة وهي كالتالي e^{3^2} يعني نظرب 3 في 3 بتصير 9

ثالثاً : نوجد قيمة المعادلة $x^2 + 5$ بالآلة نفس الطريقة السابقة وراح يطلع معنا الناتج 14 فتصير المعادلة كذا :

$$\lim_{x \rightarrow 3} (e^6 - e^9 + \log(14))$$

أخواني وأخواتي

المعذرة كان المفروض ارسل هذا الملف من أول بس الوقت ضيق وتوني ماخلصت منه لكن لو بجلس اكمل واكتشف الطرق أجل ما راح أذاكر 😊 عموماً هذي بعض الطرق لحل المعادلات بالآلة الحاسبة وأن شاء الله تفيدكم طبعاً بالنسبة للمشتقات والتكامل هم بعد لها طريقة لكن ما اسعفني الوقت أن ي اياها بتفصيل واضح بالإنترنت عشان أشرحها لكم لكن لعل ماذكرته يفني بالعرض لمعرفة إمكانيات الآلة الحاسبة والتي انا أشرحها هي :

ملاحظة مهمة جداً :

أولاً : هذه طرق حل بعض المعادلات مو الكل يعني لازم تفهم ويش الدكتور طالب منك بالسؤال لأنه بعض المعادلات ما بيبي لها آلة بيبي لها تطبيق قانون

ثانياً : كثر ضغط أزرار الآلة أحياناً يغير في الإعدادات للآلة لذلك أحرص على أنه تعيد تهيئة الآلة بالطريقة التالية :

SHIFT 9 3 = AC

وثواني وراح تكون مهينة ما راح تاخذ ثواني .



أخوكم : نبيل المطير (2130010872) المستوى الثاني – إدارة أعمال